

HRVATSKA Sahrana oficira HVO-a pod budnim okom policije

SIPA uključena u istragu ubistva Vinka Žuljevića

Klica likvidiran u nedjelju u klasičnoj "sačekuši" u Zagrebu • Rezultate provjera SIPA dostavila MUP-u Republike Hrvatske • Ratni zločinci na sahrani

Sahrani penzionisanog pukovnika HVO-a i preduzetnika u zaštitarskom poslu Vinka Žuljevića Klice, koji je u nedjelju ubijen u klasičnoj "sačekuši" u Zagrebu dok se vraćao s mise, jučer je u Zagrebu prisustvovalo više stotina osoba.

Zatražene provjere

Nakon Žuljevićeveog ubistva, zagrebačka policija je od policijskih agencija u našoj zemlji zatražila određene provjere radi rasvjetljavanja ovog krivičnog djela.

Kako je za "Dnevni avaz" potvrdila Kristina Jozić, portparol Državne agencije za istrage i zaštitu (SIPA), prema zahtjevu Ministarstva unutrašnjih poslova Republike Hrvatske, SIPA je vršila određene provjere u ovom slučaju, nakon čega je rezultat tih provjera dostavila MUP-u RH.

- Državna agencija za istrage i zaštitu u stalnim je kontaktima s istražnim organima Republike Hrvatske i, u slučaju novih zahtjeva za provjere, odmah će reagirati -- kazala je Jozić.

Mogući motivi

Tri su glavne verzije mogućih motiva za ubistvo. Istražuje se ima li ubistvo veze s nestankom Branka Katusića i Branka Mrakovića u češkom mjestu Novi Jičin. Druga istraga odnosi se na sukob tuzlanskih bandi, koje se usred bijela dana



Mladen Naletilić Tuta na ispraćaju

Iz Tužilaštva BiH za "Dnevni avaz" je potvrđeno da je Žuljević u našoj zemlji bio pod istragom zbog ratnih zločina počinjenih na području srednje Bosne.

Poznate osobe

Na jučerašnjoj sahrani u Zagrebu, osim porodice,

od Žuljevića su se oprostili i brojni prijatelji te poznanici, poslovni partneri, sportisti, privrednici, nekadašnji vrh HV-a, ali i ugledni hrvatski advokati, a sve se odvijalo pod budnim okom policajaca u civilu.

Sahrani su prisustvovali i viđenije osobe iz nekadašnjeg vojnog vrha HV-a i iz HVO-a, među kojima i bivši zapovjednik Kažnje-

ničke bojne Mladen Naletilić Tuta, pod čijim je zapovjedništvom Klica bio neko vrijeme. Prisutan je bio i ratni zločinac Dario Kordić.

Posljednje zbogom Žuljeviću su rekli i penzionisani generali HVO-a Ivan Andabak i Mirko Norac, ali i trener NK Zadar Igor Štimac i

suvlasnik kluba Reno Sinovčić te bivši bokser Stipe Drviš i Mirko Filipović Cro Cop.

M.M.



VINKO ŽULJEVIĆ KLICA:
Ubijen poslije mise